

01 APRILIE  
RUGĂCIUNEA 1

SF. CUVIOS VARSANUFIE PLIHARENKO DE LA OPTINA  
Молитва преподобному Варсонофию Оптинскому

О, пречестная и священная главо, Небеснаго Иерусалима гражданине, изрядный угодниче Христов и великий Оптинский чудотворче, преподобне отче Варсонофие! Призри от Горних высот на нас, смиренных и грешных, во умилении сердец к тебе прибегающих, тебе бо молитвенника благоприятнаго вемы ко Всемилостивому Богу. Вознеси о нас твоя святая молитвы ко Престолу Человеколюбца Господа, дабы не погибнути нам со беззаконии нашими, но обратится к покаянию и исправлению, да прочее время жития нашего земнаго не в работе греху и страстем, но в делании заповедей Его святых и в благочестии провождаем, и со благою надеждою достигнем кончины нашея. В час же смертный наипаче явися нам, отче, заступник благий, ускори на молитву о нас, беспомощных, и помози нам мирную и благою кончину улучшить, Божественных Таинств причастну, грозная мытарства воздушная безбедно прейти и унаследовати Горнее Царство.

Ей, отче приснопамятный, не презри нас и не посрами упования нашего, но буди о нас предстатель немолчный к Богу. Пастырю наш добрый, упаси нас бодренными твоими молитвами и сохрани ненаветны от всякаго зла, да славим неизреченное человеколюбие Бога нашего, Отца и Сына и Святаго Духа, и твое отеческое заступление, во веки веков.

Аминь.

